

Daxboh gou 30 lai bi seizhaenx, aenvih miz bonjsaeh gaj mou gaj vaiz, ndigah, ndaw Gunghse Cizbinjcan couh aeu de bae guh hozdungzgungh.

Doxboh haeuj Cizbinjcan ngoenz daihngeih, boux lingjdauj de Dingh cujyin couh anbaiz de bae guh hong baet ranz, Dingh cujyin doiq daxboh naeuz: “Mwngz dawz aen ranz neix gip seuq baet seuq bae, raeuz aeu daeuj guh bangunghsiz……” Ndaw aen ranz haenx miz haujlai doxgaiq, daxboh gwed bah okdaeuj sat cij conx raemx sauq nyap, guh baenz buenq ngoenz lai cij baet seuq. Seiz ngamq souhong, Dingh cujyin couh daeujdaengz, de doiq daxboh naeuz: “Hoz Sauzdungj, mwngz guhhong caen ak ha, baenzvaiq couh baet seuq aen ranz luenhcabcab neix. Yaekseiz gou mbouj rox doek gizlawz bae, haet neix gou daeuj ndaw neix byaij gvaq, mwngz raen doek youq neix lwi?” Daxboh han naeuz: “Yaekseiz dauq mbouj raen, youq gakciengz dauq raen miz fag gimzmyaex ndeu, laj bah miz 3 maenz ngaenzdih, neix gyau hawj mwngz.” “Gip ndaej mwngz couh aeu ba, gimzmyaex youh mbouj dijcienz……” “Mbouj aeu, mbouj aeu, neix gyau hawj mwngz ba.” Daxboh gangj sat couh gyau gij huq gip ndaej haenx hawj Dingh cujyin lo.

Miz ngoenz ndeu, ndaw dahnveih gaj mou, daihgya gwn haeux le, Dingh cujyin doiq daxboh naeuz: “Ngoenzneix lauj Cangh cingigyaj, mwngz bae lawh de gai 100 gaen nohmou……” Daxboh mbouj gangj saek coenz vah, couh bae gai nohmou.

Lajbyonghngoenz, daxboh soudan dauqma, couh dawz cienz bae gyau hawj Dingh cujyin, daxboh naeuz: “Gai ndaej 90 gaen, cienz youq neix.” “Ha?100 gaen bae cij gai ndaej 90 gaen, yienghneix guh mwngz bogbonj lai bw. Ra bae 8 ngoenz cienzhong lo. Mwngz dwg mbouj dwg mbatmbat lai caengh noh hawj vunz?” Dingh cujyin doeksaet dwk cam Daxboh. Daxboh naeuz: “Siedbonj hix mbouj miz

sawcuenh dinj



banhfap, gou mbouj caengh lai hix mbouj caengh siuj hawj vunz, gai ndaej geijlai gou couh gangj geijlai.” “Hai, mbatlaeng siujsim di, dawz cienz bae gyau hawj cuznaz ba…… Geij ngoenz neix mbouj aeu mwngz bae gai nohmou lo.” Caen dahraix, gvaqlaeng, Dingh cujyin baij daxboh bae cab gaeumaenz dwk vaiz, bag

fwnz cawj mok gueng mou, sauq riengh rap bwnh……Hongnaek hongmbaeu cungj heuh daxboh bae guh. Daxboh laemxsim laemxhoz guh, mbouj lau uq, mbouj lau naiq, yienghyiengh hong guh ndaej sawj cujyin muenxeiq. Miz baez ndeu, daxboh bag fwnz, laj fwnz henz fouj miz 5 gak ngaenz, daxboh gip

hwnjdaeuj gyau hawj cujyin. Daxboh gag boux ndeu loengh byaek dajcawj, laj daej bat hung cang lwedmou haenx miz gaiq nohcing song gaen ndeu, daxboh cungj dawz bae gyau hawj sizdangz dahnvei.

Gvaq ndaej cib lai ngoenz, miz haet ndeu, Dingh cujyin doiq daxboh naeuz: “Mwngz doi 100 gaen nohmou bae gwnzhaw gai, siujsim di, gaej hawj miz loekca lobw.”

Daxboh gai noh sat dauqma, Dingh cujyin cam de: “Baenzlawz yiengh? Mbatneix mbouj siedbonj loba?” “Mboujdanh ndi siedbonj, lij miz canh dem, gungh gai ndaej 110 gaen……” “Hoz daxau, mwngz baenzlawz guh? Mwngz itdingh ngaek gyaeujcaengh gemx boux dajcawx. Mwngz raen mbat gonq ra bae 10 gaen, neix couh ngaek gyaeujcaengh bouj dauq?” Daxboh sing unq naeuz: “Cujyin, gou mbouj gamj ngaek vunz, gai ndaej deijlai gou couh gangj geijlai.” Cujyin naeuz: “Ndaej la, baezljai buenzdiemj mwngz caez daeuj yawj caengh.” (caengz sat)

Sai: Daj ndij nuengx guhyoux
Ngeix daengz couh raen ngaeuz
Nuengx naengh youq henz saeu
Daengx ndang aeu ing beix

Sau: Daj ndij beix doxlien
Gienh saeh ndeu mbouj lumz
Nuengx naengh youq gwnz rum
Beix umj ndang mbouj cuengq

Sai: Song raeuz gap baenz doiq
Van lumj oij ndwencieng
Song ranz gek diuzmieng
Bae mbouj bieng mbouj vaiq

Sau: Gag boux youq gag dei
Siengj beix mbouj raen vunz
Saehgaeuq seizseiz un
Mboujyawz cunz raennaj

Sai: Siengj nuengx sim lumj feiz
Mbouj ndei lai cienz vah
Ngoenz mbouj raen nuengx naj
Haemh ninz ma gikcak

Guhyoux Ndatfwdfwd

相恋热腾腾

□Suh Dasingh / 苏大星

Sau: Mbouj raen beix simyou
Bouxdog youq simdiuq
Hwnz ninz mbouj baenz ndiu
Ciuhvunz nanz ndaej gvaq

Sai: Guhyoux ndatfwdfwd
Lumj haeuxcid daem ceiz
Doxnem youh doxei
Aen' aen ndei youh lig

Sau: Song raeuz caemh guhyoux
Ngoenzlaeng couh caemh ranz
Vunz cam nuengx mbouj han
Dan deq beix hai bak

Sai: Gyaenz nuengx cingz naekna
Lumj haeuxmba nem daengq
Ninz mbouj ndaek hwnq naengh
Gwn mbouj daengz dungx iek

Sau: Ndiep beix mbouj raennaj
Bienq mbungqmbaj daeuj cim
Song raeuz it diuzsim
Gim vuenh hix mbouj haengj

Sai: Song raeuz gamjcingz ndei
Cingzeiq laeg lumj mboq
Ngoenzlaeng dai caemh moh
Yaemgan goj vuenyungz

“Genbauj, raeuz dwg baengzyoux laux lo, gaej yienghneix gangj. Mwngz dwg boux binznungz gaenx guh lauxsaed ndeu, dou gig haengj youq ranz mwngz. Raeuz cungj dwg lwg lajmbanj, ranzmbanj gou doenghbaez caemh hoj lai, dou gwn ndaej gvenq, mwngz cuengqsim. Dou mazfanz ranz mwngz lai lo.”

“Mazfanz gijmaz, hawj ranz gou miznaj lai lo, dou gouz cungj nanz ndaej bw! Cijdwg sou ndwenndwen cungj gyau ngaenz, dou youh mbouj miz gijmaz cawj hawj sou gwn, najmong lai.”

“Dou youq ranz mwngz youq, couhdwg ranz vunz ndeu, ranz vunz ndeu mbouj gangj vah song ranz. Gij ngaenzgwnngaiz dou gyau haenx, sou mbaet yungh, dawz bae cawx gyu cawx youz, hawj lwgnyez hwnjhag cawx saw caeuq gaiqdoegsaw, heuh lwgnyez ndeindei doeg saw.” Cawjranz dingq

le gig gamjdoengh. Seizhaenx, gunghcozdui gvidingh, ndwen boux gyau 9 maenz ngaenzgwnngaiz.

Veiz Gozcingh youq Liengz- dungz, cungj dwg naemj gij naemj vunzcungq, gip gij gip vunzcungq, gij haemzhoj vunzcungq, de yienghyiengh cungj gvansim daengz.

Hauejdiemj mbouj geij nanz, de fatyienh mehyah Vangz Genbauj rap rap haeux bae nienj baez ndeu, aeu yungh geij aen cungdaez. Baez cam,

cij rox seiqhenz cijmiz aen cangj- nienjhaeux ndeu, baedauq yaek aeu byaij geij leix loh. Bae nienj haeux vunz youh lai, aeu baizdoih caj. Nienj baez, ceiqnoix aeu yungh buenq ngoenz. Vangz Genbauj caeuq mbangj vunzcungq fanjyingj hawj de naeuz, Liengzdungz geij bak hoh vunz, dan dwg nienj haeux, bibi cungj deng sai bae haujlai lauzdungliz, danghnaeuz miz dien, youq baihhenz guh nienj haeux daengj canggyagoeng, couh

ndaej hawj daihbaj lauzdungliz daj gij hong gyagoeng doxgaiq nungzfu ndawde gaijfang okdaeuj. De nyinh- naeuz aen yigen neix haemq ndei, ginggvaq caeuq Ho Yiyenz, Dwng Veizco daengj goengdaeuz gungh- cozdui, lijimiz caeuq gij sedui ganbu Liengzdungz lai baez doxyaeng, caemhcai q ceng ndaej mizgven bumwnz doengzeiq le, cix daj muengxdienh rag dienhsienq daengz Liengzdungz. (caengz sat)

Veiz Gozcingh Sangcieng Cawj- guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

le gig gamjdoengh. Seizhaenx, gunghcozdui gvidingh, ndwen boux gyau 9 maenz ngaenzgwnngaiz.

Veiz Gozcingh youq Liengz- dungz, cungj dwg naemj gij naemj vunzcungq, gip gij gip vunzcungq, gij haemzhoj vunzcungq, de yienghyiengh cungj gvansim daengz.

Hauejdiemj mbouj geij nanz, de fatyienh mehyah Vangz Genbauj rap rap haeux bae nienj baez ndeu, aeu yungh geij aen cungdaez. Baez cam,

cij rox seiqhenz cijmiz aen cangj- nienjhaeux ndeu, baedauq yaek aeu byaij geij leix loh. Bae nienj haeux vunz youh lai, aeu baizdoih caj. Nienj baez, ceiqnoix aeu yungh buenq ngoenz. Vangz Genbauj caeuq mbangj vunzcungq fanjyingj hawj de naeuz, Liengzdungz geij bak hoh vunz, dan dwg nienj haeux, bibi cungj deng sai bae haujlai lauzdungliz, danghnaeuz miz dien, youq baihhenz guh nienj haeux daengj canggyagoeng, couh

ndaej hawj daihbaj lauzdungliz daj gij hong gyagoeng doxgaiq nungzfu ndawde gaijfang okdaeuj. De nyinh- naeuz aen yigen neix haemq ndei, ginggvaq caeuq Ho Yiyenz, Dwng Veizco daengj goengdaeuz gungh- cozdui, lijimiz caeuq gij sedui ganbu Liengzdungz lai baez doxyaeng, caemhcai q ceng ndaej mizgven bumwnz doengzeiq le, cix daj muengxdienh rag dienhsienq daengz Liengzdungz. (caengz sat)